


امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسکمزه موافق آثار قبول اولنور.
درج ایدلین اوراق اعاده اولنماز.

مجله اولنور

اداره خانه سی باب عالی جاده سنده
۵۲ نومرولو « شرکت مرتبیه »
طبعه سیدر.



استانبول ایچون سنه لکی مطبعه دن
آلنق شرطیله ۴۰، طشره لره پوشته
اجرتیله برابر ۶۰ غروشدر.



نسخه سی ۱ غروش پنجشنبه کونلری نشر اولنور ادبی، فنی و صناعی غنیه در نسخه سی ۱ غروش

هميشه و برادر کي يکديگر مزه بمائلن» ديور ايدى . بن توبه نوبتي صاودقدن صوکره يريمه کچن آدم ، توبه کارلرک اللرى آلتينده فرسوده اولان اسکی مېشه تخمه سنک اوزرنده بر چوق کوز ياشلري کورمش اولمليدر !

بوسوزلري سويلد کدن صوکره ، موسيو ميروهل آلتی آووجلري ايچنه آلوب کوزلريني قاپادی و برمدت اويله سکوت ته طالادی . صوکره تکرار سوزده باشلادی ؛ دیدی که : ايشته دوستم ، معاشقاتم بوندن عبارتدر . باشقه هيچ عشق و علاقه ايله متخمس اولما مشدر . بو محبتمه اوکجهلري ابويندن ، دوستلرمدن ، حتی هدف عشقي اولديغ دلازامدن بيله مکتوم قالدی . يالکر — ايلريده آکلایه . جغکر وجهله — قونت دو . . .

ماده ي کشف ايدر کي اولمشدر . برکت ورسين . مسئله چوق سورمکسزين نتیجه لندی ، نتیجه سي ده کوزل اولدی : ماری وفات ایتدی ! اکر ياشاسه ایدی هيچ بروقت بنم اولميه جق ، اوکهر پاره عصمتی بر باشقه سی بندن غصب ایده جکدی . اوزمان بلکه يانمدين کچرده کيم اولديغمني طانيمازدی بيله ! حال بوکه وفاتندن صوکره انی بنم اولمش کي تلقی و تصور ايتمکلهکمه هيچ برمانع يوقدی .

(مابعدی وار) مسين رانس

— — — — —

{فرانسوا قويه} نك بر منظومه سي :

بابا

اوينه دائما سرخوش اوله رق کلير ، مزه سنی دوکردی .

بوايکی بدبختی بر برينه ربط ایدن زنجير بلایي « سفاهت » ، « سفالت » نامنده ايکی دميرجي اعمال ايتمشدر .

دهشتلي حال ! او قادين محضاز قاقلرده ياتماق ايجون بو آدمک ياننده بولئور !

سرخوش آقشاهلري مته سنی چهرملی بولوز ، شامارلامغه باشلار ؛ بونلرک کوزلینسی جوارده کي اهالی به اقشام اولديغنی اعلان ايدر ؛ صوکره اوطه لرنده مخوف بر سکوت حکم سورردی .

کونک برنده ، بوايکی همدم مصيبتک قورقودن ، آچلقدن ، صغوقدن اک زياده متالم . و مایوس اولدقاری بر يوم منحوسده بر چو جوقلری دنيايه کلدی .

ايرته سی آقشام حریف ينه سرخوش اوله رق عودت ایتدی . فقط اشيکده طوردی ؛ آرتق بزوالده اولان مته سنه ال قالدیرمادی . قادين کين و غصبله قارارمش کوزلريني عاشق مدهشنه چويره رک مستهزيانه :

— هايدی ، باقلم ! وور ؛ وورسدهك آا کيم منع ايدیور ؟ دمیندن بری عودتکي بکليورم . ايشته حاضرم ؛ نه طور ييورسک ؟ نه اولدی ؟ قيش دهآ آز می شدت کوسترييور ؟ اکمک دهآ اوجوز می صاتييور ؟ يوقسه بو کون دونکی کي سرخوش دکليسک ؟ . .

ديبه حايقردی .

لکن بابا ، بی تاب بر حالده ، بو ستماره قولاق ویرمیوردی .

سرسم سرسم فقط کال شفقتله اوغلنه نظر انداز اوله رق — کندینی مدافعه يه چالیشان بر متهم کي — خانفانه ميرلداندی :

— چوجوغی اويانديرميم !

نجيب

— — — — —

(نورالدين حلمی) اعضاسيله آلمشدر :

شکوفه حیات

۱

موسم بهارک لطيف کونلرندن بری ایدی . هر طرف برکسوه خضرايه بورونمش ، محبوبه شرقيک ايلک خندهلری آغاچلرک

آراسندن سوزوله رک ايرماغی بر مرأت سيمينه تبديل ايتمشدی . صحرا بياض شکوفه بهارله بر قاليجه سفيد حالي آلمش ، قوشلر لانه مسعودانه لرندن چيقدرق زمزمه ساز اولمغه باشلامشلردی .

خانه سندن چيقدی . ياواش ياواش يو . رييه رک ايرماغک کنارينه کلدی . قار کي بياض قوللريني آچدی . قايلار اوزرندن بياض کوپوکلرله جريان ایدن صولرده چاشيرلريني ييقامغه باشلادی . صاچلريني پريشان بر صورته اوموزلرينه دوکش ، آهسته رفتار نسيم صباطره زلفندن پوسه چين اوليوردی ؛ چاشيرلريني ييقادای . سپته قويدی . اوموزينه آله رق آشيانه سفيلانه سینه توجه ايتدی . اوموزلری بو آغیر ، ايصلاق چاشيرلر آلتينده ازلييور ؛ فقط اوافق بر يورغللق بيله حس ايتمه رک خيزلی ، خيزلی يورييوردی . کوزلری بدایع طبيعتک بو وقع فرحزايه بخش ايتدیکی لطافت شاعرانه يه معطوف ، قابي ايسه بر سحرت الیه ايله متأثر ایدی .

ايرماغک کنساريني کچدی . صيق آغاچلرله محاط طاريولدن يوريمکه باشلادی . خورشيد زر افشان اشجار دلشنیک يشيل يپراقلری آراسندن فراری بر قاچ شعاعنی فرلاتيوردی . اورمانک بر نقطه سندن تيز بر صدا چقيور برمدت صوکره ايشيدلمز اوليوردی . قايلار اوزرنده کوچوک کوچوک شلاله لر تشکيل ايله بر عمان مجهوله طوغرو آقوب کیدن صولرک شيرلینسی ايشيديلیوردی . ذهننی ماسبقک بر خاطر سنه غطف ایتدی . ايکی قطره ياش بنبه ياناقلرندن بر جريان سريع ايله دوششدی . بر قاچ آی اول ورم دينان مرض مدهشک تأثیر جکر سوزيله عازم آخرت اولان زوجنی دوشوندی .

ازدواچلرينک مسرتلی خنده لرينه طويلا مشلردی . فلکک نا که نانی بر ضربه هول